

Na osnovu člana 126. Zakona o visokom obrazovanju – prečišćeni tekst (Službene novine Kantona Sarajevo br: 42/13 i 13/15), članova 97., 98. i 100. stav d) Statuta Univerziteta u Sarajevu i Odluke Vijeća Prirodno-matematičkog fakulteta Univerziteta u Sarajevu broj: 01/06-1295/1-2016 od 25. 05. 2016. godine, Prirodno-matematički fakultet Univerziteta u Sarajevu objavljuje:

JAVNI KONKURS/NATJEČAJ
za izbor DEKANA
Prirodno-matematičkog fakulteta Univerziteta u Sarajevu
za mandatni period
oktobar 2016. – oktobar 2020. godine

Dekan Fakulteta se bira na mandatni period od četiri godine sa mogućnošću još jednog uzastopnog izbora. Kandidat za dekana mora ispunjavati uvjete za izbor dekana utvrđene Zakonom o visokom obrazovanju – prečišćeni tekst (Službene novine Kantona Sarajevo, broj: 42/13 i 13/15) i Statutom Univerziteta u Sarajevu.

Uvjeti koje kandidat za izbor dekana mora ispunjavati:

- da je državljanin Bosne i Hercegovine,
- da je u radnom odnosu sa punim radnim vremenom na Prirodno-matematičkom fakultetu Univerziteta u Sarajevu,
- da je izabran u nastavno-naučno zvanje redovnog profesora ili vanrednog profesora na Prirodno-matematičkom fakultetu Univerziteta u Sarajevu,
- da nije član Upravnog odbora Univerziteta, niti politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa.

Uz prijavu, dostaviti:

1. Biografiju (CV), datiranu i potpisanu od strane kandidata (printana i elektronska forma),
2. Opis naučnog i stručnog rada (printana i elektronska forma),
3. Program rada za mandatni period (printana i elektronska forma),
4. Uvjerenje o državljanstvu BiH,
5. Odluku o posljednjem izboru u zvanje,
6. Potvrdu o radnom odnosu u punom radnom vremenu na Prirodno-matematičkom fakultetu Univerziteta u Sarajevu,
7. Potpisanu i ovjerenu izjavu od strane nadležne općinske službe ili notara kojom kandidat potvrđuje:
 - a) da nije član Upravnog odbora Univerziteta,
 - b) da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa.

Tražena dokumentacija se prilaže u originalu ili ovjerenoj fotokopiji.

Konkurs se objavljuje u dnevnom listu „Dnevni avaz“, na web stranici Fakulteta i Univerziteta u Sarajevu. Javni Konkurs/Natječaj ostaje otvoren 15 dana od dana objavljivanja.

Prijavu sa potpunom dokumentacijom, slati na adresu: Prirodno-matematički fakultet Univerziteta u Sarajevu, ul. Zmaja od Bosne br. 33/III, putem pošte ili direktno na Protokol, soba 319/III (visoka zgrada) sa naznakom: „Prijava na Konkurs za izbor dekana- za komisiju – ne otvarati“.

Neotpune i neblagovremene prijave neće se uzeti u razmatranje.